

又云、四衆之中有_レ生_レ嗔恚、心不淨者。惡口罵詈言、是無智比丘從_レ何所來等云云。又云、或以_レ杖木瓦石、而打_レ擲_レ之等云云。第二第四卷經文與第七卷經文天地水火。問曰、一經二說、就_レ何義、可_レ弘_レ通_レ此經。答云、私不_レ可_レ會_レ通。靈山爲_レ聽衆、天台大師竝_レ妙樂大師等處、有_レ多釋。先出_レ一兩文。文句十云、問曰、釋迦出世、踟躕不_レ說。今此何意。造次而說何也。答曰、本已有_レ善、釋迦以_レ小而將護之。本未_レ有_レ善、不輕以_レ大而強毒之等云云。釋心寂滅・鹿野・大寶・白鷲等前四味之小大・權實諸經・四教八教之所被機緣、彼等之尋見過去、於_レ久遠大通之時、下_レ於純圓之種。諸衆謗_レ一乘經、經歷三五之塵點。雖然所_レ下種純熟之故、至_レ時自顯繫珠。但四十餘年之間、過去已結緣之者、猶可有_レ謗義之故。且演_レ說權小諸經、令_レ練_レ根機。問曰、華嚴之時別圓大菩薩、乃至觀經等之諸凡夫得道如何。答曰、彼等衆者、以_レ時論_レ之、其經似_レ得道、以_レ實勘_レ之、三五下種輩也。問曰、其證據如何。答曰、法華經第五卷涌出品云、是諸衆生、世々已來成就我化。乃至此諸衆生、始見_レ我身、聞_レ我所說、即皆信受。入_レ如來慧等云云。天台釋云、衆生久遠等云云。妙樂大師云、雖脫在_レ現具、騰_レ本種。又云、故知。今日逗會、赴_レ音成就之機等云云。經釋顯然之上、私不_レ待_レ料簡。例如王女與_レ下女、不下_レ天子種子、不爲_レ國主。問曰、大日經等得道